

藏族編年史料集

(一)

陈乃文 陈燮章 编

民族出版社

藏族编年史料集(一)

陈乃文 陈燮章 编

民族出版社

责任编辑：丁师浩

封面设计：王 琮

藏族编年史料集（一）

陈乃文 陈燮章 编

民族出版社出版发行 各地新华书店经销

中医研究院印刷厂印刷

开本：850×1168毫米 1/32 印张：8 1/2 字数：190千

1989年11月第1版

1989年11月北京第1次印刷

印数：0001—1,800册 定价：2.25元

ISBN 7—105—00794—X/K·58

(汉23)

辑录说明

一、本书是《藏族编年史料集》的第一集，内容包括唐和五代时期的有关藏族资料。

二、本书采用的《资治通鉴》是中华书局一九七六年排印本，《顺宗实录》是《丛书集成初编》本，《稽古录》是《四部丛刊》本，《唐鉴》是《金华丛书》本，《五代春秋》是《丛书集成初编》本，《通鉴地理通释》是《津逮秘书》本，《通鉴释文辨误》是中华书局一九七六年版的《资治通鉴》本，《通鉴注商》是《安徽丛书》本，《通鉴隋唐纪比事质疑》是中华书局一九六四年排印本。

三、凡有关《资治通鉴》及音注的考释著作，除中华书局一九七六年版《资治通鉴》中已收录者外，本书亦予收录。

四、胡三省《资治通鉴音注》的重复部分，予以删略，以省篇幅。

五、本书按所采用各书的原顺序辑录。

六、本书所采用的书原无标点者，则加标点。

七、原书中个别疑问及不确切处，则加辑者按。

八、本书所辑资料，凡有删节处，均用省略号表示。在删节时，力求保存史料原貌。

- 九、原书有个别缺字，用【】号补足落字。
- 十、为便于检索原书，每条材料之末，附加原书的册数和页数，用阿拉伯字表示之。前者指册数，后者指页数；不标册数的，则系指原书所在卷的页数。有两条或两条以上材料连续辑录时，原书的册、页数附于最后一条材料之末。
- 十一、本书选材不妥之处，祈望不吝指正。

前　　言

藏族是我们中华民族中一个具有悠久历史的民族。藏族人民在长期的历史进程中，不但推动了社会的向前发展，而且也不断地充实、丰富着我国历史文化遗产的宝库。

对于藏族的漫长历史，我们必须认真地进行研究。研究藏族的历史和文化，必须广泛地、详尽地占有资料，把各种文字记载有关藏族的资料汇集起来，“古为今用”，必将有利于藏族历史和文化研究的深入展开。

基于上述的想法，我们将汉文史籍编年类中有关藏族的资料，辑录、整理出版，名为《藏族编年史料集》。全书分为三集：唐五代时期为第一集，共收辑九种著作；宋时期为第二集，共收辑二十种著作；元明时期为第三集，共收辑四十八种著作。凡对编年史书考证、校勘的专著，也予收辑。清时期部分，已出版有《清代藏族编年史料集》一书。

这些史料的汇集出版，除有利于藏族历史文化的研 究，同时也为中国通史、断代史、民族史、民族关系史的研究和教学，以及民族工作者提供研究资料。本书所辑录的史料，由于有其历史和时代的局限性，望读者参考使用。

目 录

前言	(1)
辑录说明	(1)
资治通鉴	(1)
顺宗实录	(218)
稽古录	(219)
唐鉴	(226)
五代春秋	(232)
通鉴地理通释	(233)
通鉴释文辨误	(236)
通鉴注商	(240)
通鉴隋唐纪比事质疑	(243)

资治通鉴

(宋) 司马光 编集
(元) 胡三省 音注

资治通鉴卷第一百九十

唐纪六

高祖神尧大圣光孝皇帝中之下

武德六年，(癸未、六二三)十二月，庚申，白筒、白狗羌并遣使入贡。“白筒”恐当作“白兰”，隋书附国有白兰、白狗等种，风俗略同党项，或役属于吐谷浑，或附附国。新书：白兰羌，吐蕃谓之丁零，左属党项，右与多弥接，胜兵万人，勇战斗，善作兵器。武德六年，使者入朝，明年以其地为维、恭二州。白狗羌与东会州接，胜兵才千人。使，疏吏翻。(13—5975)

七年，(甲申、六二四)春，正月，丙申，以白狗等羌地置维、恭二州。维州，维川郡，以白狗羌降户，姜维故城置。其地乃汉蜀郡徼外冉駩之地，蜀将姜维、马忠讨汶山羌于此，故垒在焉。恭州，即西恭州，后改曰筰州。又戎州都督府所领羁縻州有曲州，本隋之恭州，隋乱废，武德元年开南中复置，八年改曲州，故朱提郡地，非此也。刘昫曰：

维州，即古西戎地也。其地南界江阳，岷山连岭而西，不知其极，北望陇山，积雪如玉，东望成都，若在井底。地接石纽山，夏禹生于石纽是也。其城在岷山之孤峰，三面临江，距成都四百里许。杜佑曰：维州在当州北二百六十里。（13—5976）

资治通鉴卷第一百九十四

唐纪十

太宗文武大圣大广孝皇帝上之下

贞观八年，（甲午、六三四）十一月，甲申，吐蕃赞普弃宗弄赞考异曰：太宗实录“赞普”作“赞府”。高宗实录“弃宗”作“器宗”。今从旧传。遣使入贡，仍请婚。使，疏吏翻。吐蕃在吐谷浑西南，近世浸强，蚕食他国，土宇广大，胜兵数十万，胜，音升。然未尝通中国。其王称赞普，俗不言姓，王族皆曰论，宦族皆曰尚。吐蕃本西羌属，盖百有五十种，散处河、湟、江、岷间。有发羌唐旄等，未始与中国通，居折支水西。祖曰鶻提悉野，健武多智，稍并诸羌，据其地。蕃、发声近，故其子孙曰吐蕃而姓勃窣野。或曰：南凉秃发乌孤之后，二子，曰樊尼，曰傉檀，为乞伏炽盘所灭，樊尼挈残部降沮渠蒙逊，沮渠灭，樊尼率兵西济河，踰积石，遂抚有群羌云。其俗谓强雄曰赞，丈夫曰普，故号君长为赞普。其地直长安八千里，距鄯善五百里。刘昫曰：吐蕃，秃发氏之后，语讹曰吐蕃。宋白曰：樊尼奔沮渠蒙逊，署临松郡丞。沮渠灭，建国西土，改姓勃窣野。时人谓丞为赞府，语讹为赞普。吐，从噭入声。弃宗弄赞有勇略，四邻畏之。上遣使者冯德遐往慰抚之。（13—6107）

资治通鉴卷第一百九十五

唐纪十一

太宗文武大圣大广孝皇帝中之上

贞观十二年，（戊戌、六三八）秋，七月，乙亥，吐蕃寇弘州。“弘”，恐当作“松”。（13—6138）

八月，初，上遣使者冯德遐抚慰吐蕃，吐，从噦入声。吐蕃闻突厥、吐谷浑皆尚公主，厥，九勿翻。谷，音浴。遣使随德遐入朝，使，疏吏翻。朝，直遥翻。多赍金宝，奉表求婚；上未之许。使者还，言于赞普弃宗弄赞曰：“臣初至唐，唐待我甚厚，许尚公主。会吐谷浑王入朝，相离间，间，古苋翻。唐礼遂衰，亦不许婚。”弄赞遂发兵击吐谷浑。吐谷浑不能支，遁于青海之北，民畜多为吐蕃所掠。

吐蕃进破党项、白兰诸羌，帅众二十余万屯松州西境，党，底朗翻。帅，读曰率。遣使贡金帛，云来迎公主。寻进攻松州，败都督韩威；败，补迈翻；下败吐同。羌酋閻州刺史别从卧施、諾州刺史把利步利并以州叛归之。贞观五年，以党项降羌，置罽靡州，有闊州、諾州，皆属松州都督府，无閻州。酋，慈由翻。连兵不息，其大臣谏不听而自缢者凡八辈。缢，于计翻，又于賜翻。壬寅，以吏部尚书侯君集为当弥道行军大总管，甲辰，以右领军大将军执失思力为白兰道、左武卫将军牛进达为闊水道、左领军将军刘简【严：“简”改“兰”。】为洮河道行军总管，督步骑五万击之。洮，土刀翻。骑，奇寄翻。

吐蕃攻城十余日，进达为先锋，九月，辛亥，掩其不备，败吐蕃于松州城下，宋白曰：松州之地，汉、魏诸羌居之，及晋内附，以

其地属汶山郡。后魏时，邓至王像舒据之，遣使朝贡，始置甘松县，后周置尤涸防，唐置松州，去长安二千二百五十里。斩首千余级。弄赞惧，引兵退，遣使谢罪，因复请婚。使，疏吏翻。复，扶又翻。上许之。

(13—6139)

十四年，(庚子、六四〇)二月，丁丑，上幸国子监，观释奠，……增筑学舍千二百间，增学生满二千二百六十员，自屯营飞骑，亦给博士，使授以经，有能通经者，听得贡举。于是四方学者云集京师，乃至高丽、百济、新罗、高昌、吐蕃诸奠长亦遣子弟请入国学，升讲筵者至八千余人。(13—6152)

冬，十月，闰月，丙辰，吐蕃赞普遣其相禄东贊献金五千两及珍玩数百，以请婚。相，息亮翻。上许以文成公主妻之。文成公主，宗女也。妻，七细翻。(13—6157)

资治通鉴卷第一百九十六

唐纪十二

太宗文武大圣大广孝皇帝中之中

贞观十五年，(辛丑、六四一)春，正月，甲戌，以吐蕃禄东贊为右卫大将军。观，古玩翻。吐，从噦入声。上嘉禄东贊善应对，以琅邪公主外孙段氏妻之；妻，七细翻。辞曰：“臣国中自有妇，父母所聘，不可弃也。且贊普未得谒公主，陪臣何敢先娶！”上益贤之，然欲抚以厚恩，竟不从其志。史言夷狄之人犹能以礼自处，而中国乃不能以礼处之。

丁丑，命礼部尚书江夏王道宗持节送文成公主于吐蕃。尚，辰羊翻。夏，户雅翻。吐，从噦入声。贊普大喜，见道宗，尽子婿礼，慕中国衣服、仪卫之美，为公主别筑城郭宫室而处之，自

服纨绮以见公主。其国人皆以赭涂面，公主恶之，为，于伪翻。处，昌吕翻。恶，乌路翻。赞普下令禁之，亦渐革其猜暴之性，遣子弟入国学，受诗、书。（13—6164）

夏，四月，丁巳，果毅都尉席君买帅精骑百二十袭击吐谷浑丞相宣王，破之，斩其兄弟三人。帅，读曰率。骑，奇寄翻。吐，从噉入声。谷，音浴。相，息亮翻。考异曰：旧传云“鄯州刺史杜凤举与威信王合兵击丞相王，破之，杀其兄弟三人。”今从实录。初，丞相宣王专国政，阴谋袭弘化公主，帝以宗室女为弘化公主，下嫁吐谷浑。劫其王诺曷钵奔吐蕃。诺曷钵闻之，轻骑奔鄯善城，隋炀帝破吐谷浑，置四郡。鄯善郡治鄯善城，即古之楼兰城。骑，奇寄翻。鄯，时战翻。其臣威信王以兵迎之，故君买为之讨诛宣王。为，于伪翻。国人犹惊扰，遣户部尚书唐俭等慰抚之。尚，辰羊翻。（13—6167）

资治通鉴卷第一百九十七

唐纪十三

太宗文武大圣大广孝皇帝中之下

贞观十七年，（癸卯、六四三）六月，闰月，丁巳，褚遂良上疏，以为“薛延陀本一俟斤，良上，时掌翻。俟，渠之翻。……比者复降鸿私，许其姻媾，比，毗至翻。见上卷十六年。西告吐蕃，北谕思摩，中国童幼，靡不知之。……今一朝生进退之意，有改悔之心，臣为国家惜兹声听；……”上不听。（13—6200）

资治通鉴卷第一百九十八

唐纪十四

太宗文武大圣大广孝皇帝下之上

贞观二十一年，（丁未、六四七）十二月，龟兹王伐叠卒，弟河黎布失毕立，龟兹，音丘慈。词，虎何翻。浸失臣礼，侵渔邻国。上怒，戊寅，诏使持节，昆丘道行军大总管。自古相传，西域有昆仑山，河源所出。又尔雅曰：三成为昆仑丘，故曰昆丘道。左骁卫大将军阿史那社尔、副大总管·右骁卫大将军契苾何力、安西都护郭孝恪等将兵击之，仍命铁勒十三州、突厥、吐蕃、吐谷浑连兵进讨。骁，坚羌翻。契，欺讫翻。苾，毗必翻。（13—6250）

资治通鉴卷第一百九十九

唐纪十五

太宗文武大圣大广孝皇帝下之下

贞观二十二年，（戊申、六四八）观，古玩翻。五月，庚子，右卫率长史王玄策击帝那伏帝王阿罗那顺，大破之。东宫十率府各有长史，正七品上。新书作“那伏帝阿罗那顺”，无“王”字。

初，中天竺尸罗逸多兵最强，四天竺皆臣之，天竺国，汉身毒国也，或曰摩伽陀，或曰婆罗门，去京师九千六百里，居葱岭南，幅员三万里，分东、西、南、北、中五天竺。南天竺濒海，北天竺距雪山。东天竺际海，与扶南、林邑接。西天竺与罽宾、波斯接，中天竺在四天竺之会。都城曰茶博和罗城。杜佑曰：天竺，塞种也。颜师古曰：塞，释也。玄策奉使至天竺，诸国皆遣使入贡。会尸罗逸多卒，国中大乱，其臣阿罗那顺自立，发胡兵攻玄策，玄策帅从者三十人与战，

卒，子恤翻。从，才用翻。力不敌，悉为所擒，阿罗那顺尽掠诸国贡物。玄策脱身宵遁，抵吐蕃西境，以书征邻国兵，吐蕃遣精锐千二百人，泥婆国遣七千余骑赴之。泥婆罗国直吐蕃之西乐陵川，臣于吐蕃玄策与其副蒋师仁帅二国之兵进至中天竺所居茶博和罗城，博，音博。新书曰：茶博和罗城滨伽毗黎河。连战三日，大破之，斩首三千余级，赴水溺死者且万人。溺，奴狄翻。阿罗那顺弃城走，更收余众，还与师仁战，又破之，擒阿罗那顺。余众奉其妃及王子，阻乾陀卫江，水经注曰：昆仑山，释氏曰阿耨达山，河水出其东北陬，屈从其东南流注于蒲昌海，自蒲昌海潜行地下，南出积石而为中国河。其昆仑山西，有大水出焉，曰新头河，西南流迳乌长国，又东南流迳中天竺国，亦曰恒河，又西迳四大塔北，又西径陀卫国北。所谓乾陀卫江盖即此也。师仁进击之，众溃，获其妃及王子，虏男女万二千人。于是天竺响震，城邑聚落降者五百八十余所，降，户江翻。俘阿罗那顺以归。以玄策为朝散大夫。唐制：文散阶朝散大夫，从五品下。朝，直遥翻。散，悉亶翻。（13—6257）

二十三年，（己酉、六四九）冬，十月，乙亥，上以吐蕃赞普弄赞为驸马都尉，汉武帝置三都尉：曰奉车都尉，曰驸马都尉，曰骑都尉。唐以骑都尉为勋官，驸马都尉以授尚主者，奉车都尉不复除授。封西海郡王。赞普致书于长孙无忌等云：“天子初即位，臣下有不忠者，当勒兵赴国讨除之。”吐蕃以太宗晏驾，固有轻中国之心矣。（13—6269）

高宗天皇大圣大弘孝皇帝上之上讳治，字为善，小字雉奴，太宗第九子也。文明元年，谥曰天皇大帝，庙号高宗；天宝八载，加尊号高宗天皇大圣皇帝；十三载，加尊号高宗天皇大圣大弘孝皇帝。

永徽元年，（庚戌、六五〇）夏，五月，壬戌，吐蕃赞普弄赞

卒，其嫡子早死，立其孙为赞普。赞普幼弱，政事皆决于国相禄东赞。禄东赞性明达严重，行兵有法，吐蕃所以强大，威服氐、羌，皆其谋也。（13—6271）

二年，（辛亥、六五一）冬，十有一月，戊寅，特浪羌酋董悉奉求、辟惠羌酋卜檐莫各帅种落万余户诣茂州内附。特浪、辟惠皆生羌也。是年，以其地置蓬鲁等三十二州，属茂州都督府。檐，余廉翻。种，章勇翻。（13—6276）

五年，（甲寅、六五四）春，正月，壬戌，羌酋冻就内附，以其地置剑州。冻就，特浪生羌卜楼大首领也。剑州鵠縻，属松州都督府。（13—9283）

资治通鉴卷第二百

唐纪十六

高宗天皇大圣大弘孝皇帝上之下

显庆三年，（戊午、六五八）冬，十月，庚申，吐蕃赞普来请婚。（14—6310）

五年，（庚申、六六〇）八月，吐蕃禄东赞遣其子起政将兵击吐谷浑，以吐谷浑内附故也。（14—6321）

资治通鉴卷第二百一

唐纪十七

高宗天皇大圣大弘孝皇帝中之上

龙朔二年，（壬戌、六六二）十二月，爬海道总管苏海政，爬，越巂翻。受诏讨龟兹，敕兴昔亡、继往绝，可汗发兵与之俱。可，

从刊入声。汗，音寒。至兴昔亡之境，继往绝素与兴昔亡有怨，事见上卷显庆注。密谓海政曰：“弥射谋反，请诛之。”阿史那弥射是为兴昔亡可汗。时海政兵才数千，集军吏谋曰：“弥射若反，我辈无噍类，噍，才笑翻。不如先事诛之。”先，悉荐翻。乃矫称敕，令大总管裴寂数万段赐可汗及诸酋长，兴昔亡帅其徒受赐，海政悉收斩之。其鼠尼施、拔塞干两部亡走，鼠尼施啜，咄陆五部之一也；拔塞干俟斤，弩失毕五部之一也。长，知两翻。尼，女夷翻。海政与续往绝追讨，平之。军还，至疏勒南，弓月部复引吐蕃之众来，欲与唐兵战；海政以师老不敢战，以军资赂吐蕃，约和而还。由是诸部落皆以兴昔亡为冤，各有离心。继往绝寻卒，十姓无主，有阿史那都支及李遮匐收其余众附于吐蕃。为都支、遮匐连兵反张本。（14—6332）

三年，（癸亥、六六三）吐蕃与吐谷浑互相攻，各遣使上表论曲直；更来求援；更，工衡翻，迭也。上皆不许。

吐谷浑之臣素和贵有罪，逃奔吐蕃，具言吐谷浑虚实。吐蕃发兵击吐谷浑，大破之，吐谷浑可汗曷钵与弘化公主帅数千帐弃国走依凉州，请徙居内地。旧唐书曰：吐谷浑自永嘉之末，始西度洮水，建国于群羌之故地，龙朔三年，为吐蕃所灭，凡三百五十年。上以凉州都督郑仁泰为青海道行军大总管，帅右武卫将军独孤卿云、辛文陵等分屯凉、鄯二州，以备吐蕃。凉、鄯相去五百八十里。六月，戊申，又以左武卫大将军苏定方为安集大使节度诸军，为吐谷浑之援。

吐蕃禄东贊屯青海，遣使者论仲琮入见，吐蕃立国之初，有大论、小论以统国事，后因以为贵姓。见，贤遍翻。表陈吐谷浑之罪，且请和亲。上不许。遣左卫郎将刘文祥使于吐蕃，降玺书责让之。将，即亮翻。玺，斯氏翻。（14—6335）

十二月，壬寅，以安西都护高贤为行军总管，将兵击弓月以救于阗。（14—6339）

麟德二年，（乙丑、六六五）春，正月，丁卯，吐蕃遣使入见，请复与吐谷浑和亲，仍求赤水地畜牧，即河源之赤水也，本吐谷浑地。畜，吁玉翻。上不许。（14—6343）

三月，闰月，壬申朔，疏勒弓月引吐蕃侵于阗，敕西州都督崔知辩、左武卫将军曹继叔将兵救之。考异曰：实录作“西川都督”。按于时未有西川之名，必西州也。。（14—6344）

乾封二年，（丁卯、六六七）生羌十二州为吐蕃所破，三月，戊寅，悉罢之。（14—6351）

总章二年，（己巳、六六九）九月，丁丑朔，诏徙吐谷浑部落就凉州南山。议者恐吐蕃侵暴，使不能自存，欲先发兵击吐蕃。右相阎立本以为去岁饥歉，未可兴师。议久不决，竟不果徙。（14—6359）

咸亨元年，（庚午、六七〇）是年三月，始改元。夏，四月，吐蕃陷西域十八州，又与于阗袭龟兹拔换城，陷之。罢龟兹、于阗、焉耆、疏勒四镇。辛亥，以右威卫大将军薛仁贵为逻娑道行军大总管，逻娑川，吐蕃赞普牙在焉，有逻些城。左卫员外大将军阿史那道真、左卫将军郭待封副之，以讨吐蕃，且援送吐谷浑还故地。（14—6363）

秋，八月，丁巳，郭待封先与薛仁贵并列，及征吐蕃，耻居其下，仁贵所言，待封多违之。军至大非川，自鄯州鄯城县西行三百余里，至大非川。将趣乌海，乌海在汉哭山西，隋属河源郡界。杜佑曰：吐蕃国出鄯城五百里，过乌海，暮春之月，山有积雪，地有冷瘴，令人气急，不甚为害。趣，七喻翻。仁贵曰：“乌海险远，军行甚难，辎重自随，难以趋利；重，直用翻，下同。趋，七喻翻。宜留二万人，为两栅于大非岭上，辎重悉置栅内，吾属帅轻锐，倍道兼行，掩其